

საქონლის ნასყიდობის ხელშეკრულება

ერთის მხრივ, ----- „-----“ (ს/კ -----) (შემდგომში „მყიდველი“) მდებარე საქართველო, -----, წარმოდგენილი დირექტორის ----- სახით და მეორეს მხრივ, **სს „აკურა“** (ს/კ 231165583) (შემდგომში „გამყიდველი“), მდებარე საქართველო, თელავის რაიონი, სოფ. აკურა, წარმოდგენილი დირექტორის ალექსანდრე სტეფანაძის სახით

თითოეული წოდებული მხარედ, ხოლო ერთობლივად მხარეები, ვაფორმებთ წინამდებარე ხელშეკრულებას (შემდგომში „ხელშეკრულება“) შემდეგზე:

1. ხელშეკრულების საგანი

ხელშეკრულების საგანს წარმოადგენს მყიდველის მიერ გამყიდველის საკუთრებაში არსებული 407,341 კგ. ვაშლის კონცენტრატის (Brix 68-70) (შემდგომში „ნივთი“) შესყიდვა ხელშეკრულების პირობების შესაბამისად.

2. მხარეთა უფლება-მოვალეობები

2.1 მყიდველი უფლებამოსილია:

- 2.1.1 მოსთხოვოს გამყიდველს ნივთის მიღება ხელშეკრულების პირობების შესაბამისად;
- 2.1.2 მოსთხოვოს გამყიდველს ხელშეკრულებით ნაკისრი ვალდებულებების კეთილსინდისიერი და ჯეროვანი შესრულება.

2.2 მყიდველი ვალდებულია:

- 2.2.1 განახორციელოს ნივთის ღირებულების გადახდა ხელშეკრულების პირობების შესაბამისად;
- 2.2.2 წარმოადგინოს საბანკო გარანტია მოთხოვნილი ნივთის ღირებულების ოდენობაზე ხელშეკრულების პირობების შესაბამისად;
- 2.2.3 შესაბამისი მიღება-ჩაბარების აქტის საფუძველზე მოახდინოს ნივთის მიღება და გატანა, ნივთის ღირებულების სრულად გადახდიდან არაუგვიანეს 30 (ოცდაათი) კალენდარული დღის ვადაში;
- 2.2.4 მოახდინოს ნივთის შემოწმება მხარეთა შორის შესაბამისი მიღება-ჩაბარების აქტის გაფორმებამდე;
- 2.2.5 შეასრულოს ხელშეკრულებით ნაკისრი ვალდებულებები სრულად და ჯეროვნად.

2.3 გამყიდველი უფლებამოსილია:

- 2.3.1 მოსთხოვოს მყიდველს ნივთის ღირებულების ანაზღაურება;
- 2.3.2 არ მოახდინოს ნივთის მიწოდება იმ შემთხვევაში, თუ გამყიდველი არ მოახდენს ანგარიშსწორებას წინასწარ ან არ წარმოადგენს საბანკო გარანტიას მოთხოვნილი ნივთის სრული ღირებულების ოდენობაზე;
- 2.3.3 მყიდველის მიერ ხელშეკრულებს 2.2.3 პუნქტის დარღვევის შემთხვევაში, დააკისროს პირგასამტეხლო ხელშეკრულების 5.4 პუნქტის შესაბამისად;
- 2.3.4 მოსთხოვოს მყიდველს ხელშეკრულებით ნაკისრი ვალდებულებების კეთილსინდისიერი და ჯეროვანი შესრულება.

2.4 გამყიდველი ვალდებულია:

- 2.4.1 მიაწოდოს მყიდველს ნივთობრივად და უფლებრივად უნაკლო ნივთი, ხელშეკრულების პირობების შესაბამისად;
- 2.4.2 შეასრულოს ხელშეკრულებით ნაკისრი ვალდებულებები სრულად და ჯეროვნად.

3. ნივთის მიღების პირობები

3.1. მყიდველმა ნივთი უნდა მიიღოს და გაიტანოს, საკუთარი სახსრებით შემდეგი მისამართიდან: საქართველო, ქ. გორი, შინდისის გზატკეცილი # 17 (შპს „გსქ კულა“, ს.კ. 218083197);

3.2 გამყიდველი უზრუნველყოფს ნივთის მიწოდებას მყიდველისთვის, მყიდველის შესაბამისი შეტყობინების (მოთხოვნის) მიღებიდან 3 სამუშაო დღის ვადაში, მაგრამ არაუგვიანეს ნივთის სრული ღირებულების გადახდიდან 30 (ოცდაათი) კალენდარული დღის ვადაში. აღნიშნულ ვადაში მყიდველის მიერ ნივთის ხელშეკრულების პირობების შესაბამისად ჩაუბარებლობის შემთხვევაში, გამყიდველი იხსნის პასუხისმგებლობას ნივთის დაზიანებაზე.

3.3 ნივთის მიწოდებისას მხარეთა უფლებამოსილ პირებს შორის ფორმდება შესაბამისი მიღება-ჩაბარების აქტი.

4. ხელშეკრულების ღირებულება და ანაზღაურების პირობები

4.1 1 (ერთი) კგ. ნივთის ღირებულება შეადგენს ----- (-----) ლარს, ნივთის სრული ღირებულება შეადგენს ----- (-----) ლარს საქართველოს კანონმდებლობით გათვალისწინებული გადასახადების ჩათვლით.

4.2 მყიდველი მოახდენს ნივთის ღირებულების გადახდას წინასწარ ნივთის მიღებამდე ან ნივთის მიღების შემდგომ (შესაბამისი საბანკო გარანტიის საფუძველზე), არაუგვიანეს ხელშეკრულების გაფორმებიდან 30 (ოცდაათი) კალენდარული დღის ვადაში. დასაშვებია ნივთის ეტაპობრივი გატანა და ანგარიშსწორება. იმ შემთხვევაში, თუ მყიდველი არ მოახდენს ნივთის (407,341კგ.) ღირებულების სრულად გადახდას ხელშეკრულების გაფორმებიდან 30 (ოცდაათი) კალენდარული დღის ვადაში, გამყიდველი უფლებამოსილია ცალმხრივად შეწყვიტოს ხელშეკრულება და მიიღოს ნივთის ღირებულება წარმოდგენილი საბანკო გარანტიის საფუძველზე. ამასთან, ელექტრონულ აუქციონში გადახდილი ბეს თანხა არ დაუბრუნდება მყიდველს.

4.3 საბანკო გარანტია (საჭიროების შემთხვევაში) გაცემულ უნდა იქნას საქართველოში რეგისტრირებული კომერციული ბანკის მიერ და მისი მოქმედების ვადა უნდა იყოს არანაკლებ 2019 წლის --- -----მდე. საბანკო გარანტია უნდა იყოს უპირობო და გამოუხმობადი. გარანტორისთვის წარსადგენ მოთხოვნაზე დასართავი დოკუმენტების ნუსხა განისაზღვრება მხარეთა შეთანხმებით.

4.4 ელექტრონულ აუქციონში გადახდილი ბეს თანხა მყიდველს ჩაეთვლება ნივთის ღირებულების საბოლოო ანგარიშსწორებისას.

5. პასუხისმგებლობა ხელშეკრულების პირობების შეუსრულებლობა

5.1 ფორს-მაჟორული პირობების გარდა, მხარეების მიერ ხელშეკრულების პირობების შეუსრულებლობისთვის, არაჯეროვნად ან/და ნაწილობრივ შესრულების შემთხვევაში გამოიყენება საჯარიმო სანქციები.

5.2 იმ შემთხვევაში, თუ გამყიდველმა არ მიაწოდა მყიდველს ნივთი, გამყიდველს დაეკისრება პირგასამტეხლოს გადახდა მისაწოდებელი ნივთის ღირებულების 0,01% ოდენობით ყოველ ვადაგადაცილებულ დღეზე.

5.3 იმ შემთხვევაში, თუ გამყიდველმა მიაწოდა მყიდველს ნივთი ხელშეკრულების პირობების დარღვევით, გამყიდველს დაეკისრება პირგასამტეხლოს გადახდა მოთხოვნილი ნივთის ღირებულების 0,01%-ის ოდენობით ყოველ ვადაგადაცილებულ დღეზე.

5.4. იმ შემთხვევაში, თუ მყიდველის მიერ დაირღვევა ხელშეკრულების 2.2.3 პუნქტი, მყიდველს დაეკისრება პირგასამტეხლო გასატანი ნივთის ღირებულების 0,01%-ის ოდენობით ყოველ ვადაგადაცილებულ დღეზე.

5.5 საჯარიმო სანქციების გადახდა არ ათავისუფლებს ხელშეკრულების მხარეებს სახელშეკრულებო ვალდებულებების შესრულებისაგან.

5.6 დარიცხული პირგასამტეხლოს გადახდა მხარეების მიერ უნდა მოხდეს წერილობითი მოთხოვნის მიღებიდან არაუგვიანეს 5 კალენდარული დღის განმავლობაში.

6. ფორს-მაჟორი

6.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა, ემბარგოს დაწესება, ასიგნებების მკვეთრი შემცირება და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მყიდველის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული.

6.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

6.3 ფორს-მაჟორული გარემოებების დადგომის შემთხვევაში, ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

6.4 იმ შემთხვევაში, თუ ფორს-მაჟორული გარემოებების დადგომის გამო იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

7. ხელშეკრულების მოქმედების ვადა

7.1 ხელშეკრულება ძალაში შედის მისი ხელმოწერისთანავე და მოქმედებს 2019 წლის -----მდე.

7.2 ხელშეკრულების ვადის გასვლა არ წარმოადგენს მხარის მიერ ნაკისრი ვალდებულების შეუსრულებლობის საფუძველს.

8. ხელშეკრულების შეწყვეტა

ხელშეკრულება შესაძლებელია შეწყდეს:

ა) მხარეთა შეთანხმებით;

ბ) ხელშეკრულების ვადის გასვლის შემთხვევაში;

გ) იმ შემთხვევაში, თუ ერთი მხარე არღვევს ხელშეკრულების პირობებს.

დ) კანონმდებლობით გათვალისწინებულ სხვა შემთხვევაში.

9. კონფიდენციალური ინფორმაცია

მხარეები ვალდებულნი არიან არგამჟღავნონ ხელშეკრულების მოქმედების განმავლობაში მიღებული ინფორმაცია მესამე პირებთან და არ გამოიყენონ იგი პირადი სარგებლობისათვის. ეს ვალდებულება არ წყდება ხელშეკრულების ვადის გასვლის, შეწყვეტისა თუ სხვა გარემოების დროს.

10. მარეგულირებელი კანონმდებლობა

ხელშეკრულება რეგულირდება საქართველოს კანონმდებლობით.

11. დავების გადაწყვეტა

11.1 ხელშეკრულების საფუძველზე წამოჭრილი დავები წყდება ურთიერთშეთანხმების გზით.

11.2 შეთანხმების მიუღწევლობის შემთხვევაში მხარეები მიმართავენ საქართველოს სასამართლოს.

12. სხვა პირობები

12.1 ხელშეკრულება შედგენილია ქართულ ენაზე, 2 (ორ) ეგზემპლარად, რომელთაგან თითოეულს აქვს თანაბარი იურიდიული ძალა და ინახება მხარეებთან.

12.2 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

12.3 ხელშეკრულების ცალკეული პირობის ან მუხლის სრული ან ნაწილობრივი ბათილობა არ ახდენს გავლენას ხელშეკრულების სხვა პირობებზე.

13. მხარეთარეკვიზიტები და ხელმოწერები

მყიდველი

გამყიდველი

სს „აკურა“

ს/კ -----

ს/კ 231165583

მისამართი: -----

მისამართი: თელავი რაიონი, სოფ. აკურა.

ბანკის კოდი -----

ბანკის კოდი CRTUGE22

ანგ #: GE-----

ანგ #: GE54CR0160000900033406

დირექტორი

დირექტორი

ალექსანდრე სტეფნაძე
